

**SPORTSKI SAVEZ USK-a
BIHAĆ**

Ul. 502. Viteške brigade 37.

E-mail: ssusk.bihac@gmail.com

ID: 4263232310001

Šifra djelatnosti: 93.19

Tel/fax: 037/ 222 – 517



PRAVILNIK

o usvajanju kriterija za raspodjelu sredstava namjenjenih
iz Budžeta Unsko sanskog kantona za oblast sporta

Bihać, juni 2016.godine

SPORTSKI SAVEZ USK-a BIHAĆ

Na osnovu člana 20. Statuta Sportskog saveza USK-a, te člana 55. Zakona o sportu USK-a, Upravni odbor Sportskog saveza USK-a na sjednici održanoj 28.06.2016.godine, donijelo je:

P R A V I L N I K

o usvajanju kriterija za raspodjelu sredstava namjenjenih iz
Budžeta Unsko sanskog kantona za oblast sporta

I - OSNOVNE ODREDBE

Član 1.

Pravilnikom o kriterijima za raspodjelu sredstava namjenjenih iz Budžeta Unsko-sanskog kantona za oblast sporta (u daljem tekstu: Pravilnik), utvrđuju se kriteriji za raspodjelu finansijskih sredstava, kojima raspolaže Sportski savez USK-a u Budžetskoj godini.

To su sredstva namjenjena za ostvarivanje javnih potreba i interesa društva u sportu u smislu Zakona o sportu USK-a.

Ovim Pravilnikom se također reguliše postupak za raspodjelu ovih sredstava na pojedine korisnike i regulišu druga pitanja koja se odnose na njihovu raspodjelu.

Član 2.

Potrebe, javni interes i ciljevi društva u oblasti sporta u smislu Zakona o sportu su:

1. razvijanje svijesti građana, posebno mladih, o sportu i njegovim vrijednostima,
2. doprinos vaspitanju, obrazovanju i razvoju djece i omladine,
3. podsticanje i afirmiranje sporta i njegovih vrijednosti kao dijela kulture i ukupnih materijalnih i duhovnih vrijednosti društva,
4. očuvanje zdravlja kao osnove svake ljudske aktivnosti, radne produktivnosti, izražavanja stvaralaštva i humanog življenja,
5. podsticanje sistematskog i organiziranog bavljenja sportom u slobodno vrijeme,
6. sistemsko stvaranje uvjeta za ostvarivanje visokih sportskih rezultata,
7. organizacija sistema takmičenja u skladu sa pravilima međunarodnih sportskih federacija,
8. studentski sport i sport osoba sa invaliditetom.

Član 3.

Finansijska sredstva koja se za namjenu iz predhodnog člana obezbjeđuju iz prihoda Budžeta Skupštine USK-a usmjerit će se na:

1. Sufinansiranje programa rada Sportskih saveza gradova/općina na području USK-a,
2. Sufinansiranje programa rada Strukovnih sportskih saveza – Saveza jednog sporta registrovanih na području USK-a,
3. Sufinansiranje programa razvoja sporta za osobe sa invaliditetom,
4. Izdvajanje namjenskih sredstava za sufinansiranje razvoja vrhunskog sporta u individualnim sportovima i sportskim igrama na olimpijskim, svjetskim, evropskim, mediteranskim i balkanskim prvenstvima (Fond za vrhunski i reprezentativni sport),
5. Izdvajanje sredstava za Rezervni fond Saveza,
6. Finansiranje Stručne službe Sportskog saveza USK-a,
7. Finansiranje organa Sportskog saveza USK-a,
8. Za razvoj školskog i studentskog sporta,

9. Za sportske manifestacije od značaja za USK-a,
10. Sufinansiranje sportskih udruženja, manifestacionih oblika sporta, te sportskih priredbi sa tradicijom,
11. Za školovanje i edukaciju stručnih kadrova u sportu,
12. Sportske manifestacije od značaja za kanton i gradove/općine USK-a, sufinansiranje sportskih kolektiva – udruženja sa tradicijom.
13. Sufinansiranje održavanja sportske infrastrukture.

Član 4.

Sredstva za namjenu iz člana 3. ovog Pravilnika raspodjeljuje nadležni organ (Upravni odbor Sportskog saveza USK-a), donošenjem Finansijskog plana koji se donosi u skladu sa Zakonom i ovim Pravilnikom, usmjerava na pojedine korisnike, na osnovu odgovarajuće dokumentacije i akata, kao i na osnovu konkursa provedenog na način i postupak kako to utvrdi ovlašteni organ Skupštine Saveza.

Korisnici sredstava su obavezni predhodno da dostave svoje Programe rada - projekte i Finansijske planove, kao i druga dokumenta koje bude zahtjevao nadležni organ Skupštine Sportskog saveza USK-a.

Članice Sportskog saveza USK-a, koje ne dostavi potrebne dokumente (Program rada, Projekte, Finansijski plan, Izvještaj o radu i finansijskom poslovanju, Godišnji obračun (AFIP) u zadanom roku, neće se tretirati u Finansijskom planu Saveza za plansku godinu.

Program rada, Projekte i Finansijski plan članice Saveza su dužne da dostave do 30.11. tekuće godine, a Izvještaj o radu i finansijskom poslovanju i Godišnji obračun (AFIP) do 28.02.predhodne godine.

Član 5.

Ukupna sredstva utvrđena Finansijskim planom Saveza raspodijeljuju se u 12 jednakih rata, osim sredstava za potrebe i namjene koje se odobravaju odlukama i konkursom, zavisno o izvršenju i dinamici plasmana sredstava od strane Budžeta USK-a.

Član 6.

Ukupni prihodi Saveza, utvrđeni Finansijskim planom raspodjeljuju se:

- | | |
|--|------------------|
| 1. Sportski savezi općina | od 44 % do 50 %, |
| 2. Školski sport, studentski sport i manifestacije ovog oblika sporta | od 5 % do 10 %, |
| 3. Savezi jednog sporta (strukovni) USK-a | od 12 % do 14 %, |
| 4. Savez za sport i rekreaciju invalida USK-a..... | od 6% do 8 %, |
| 5. Rad organa Saveza..... | do 4 %, |
| 6. Kancelarija Saveza -Stručne službe | do 10 %, |
| 7. Školovanje i edukacija stručnih kadrova..... | do 2 %, |
| 8. Vrhunski - reprezentativni sport | do 4 %, |
| 9. Sufinansiranje održavanja sportske infrastrukture..... | do 5 %, |
| 10. Stalni sportski projekti: Međunarodna sportska manifestacija mladih (4 države) „Igre prijateljstva“, Izbor sportiste i sportske ekipe USK-a, Sportska saradnja sa gradom Mostarm, Obilježavanje jubilarnih i značajnijih datuma..... | od 3 % do 10 %, |
| 11. Rezervni fond Saveza..... | do 3 %, |
| 12. Sufinansiranje sportskih udruženja, manifestacionih oblika sporta, te sportskih priredbi sa tradicijom | do 5 %, |
| 13. Sportske manifestacije od značaja za kanton i gradove/općine USK-a, sufinansiranje sportskih kolektiva – udruženja sa tradicijom..... | do 10 %“. |

U okviru gore navedenih procenata, Upravni odbor Saveza usvaja Finansijski plan prihoda i rashoda, s tim da ukupan zbir procenata za gore navedene namjene, iznosi 100 %.

II - FINANSIRANJE DJELATNOSTI SPORTSKIH ORGANIZACIJA I SPORTA NA PODRUČJU UNSKO-SANSKOG KANTONA

Član 7.

Finansiranje djelatnosti sportskih organizacija i sporta na području USK-a vršiće se u skladu sa utvrđenim procentima i namjenama naznačenim članom 6. ovog Pravilnika.

Član 8.

Način raspodjele i visina sredstava za svaku utvrđenu kategoriju nosilaca razvoja sporta vršiće se u skladu sa Zakonom o sportu i sa donošenjem općih i posebnih kriterija raspodjele.

Član 9.

Da bi organizacija iz oblasti sporta mogla da konkuriše za finansijska sredstva Saveza, ista mora da zadovolji slijedeće opće kriterije:

- da je zakonski osnovana i registrovana organizacija i da ima svoj vlastiti žiro račun,
- da je u zakonskom roku dostavila u pismenoj formi svoj godišnji Program rada, Projekte i Finansijski plan stručnoj službi Saveza, kao i druge potrebne akte,
- da je potpisan Ugovor o udruživanju u SS USK-a
- da održe redovnu sjednica Skupštine najmanje jednom godišnje, po pravilu početkom godine, a najkasnije do kraja aprila tekuće godine,
- članice Saveza se obavezuju da tromjesečno Stručnoj službi Saveza dostavljaju izvještaj o namjenskom utrošku sredstava (kopije računa, uplatnice, izdaci, izvodi) za sredstva doznačena od SS USK-a.
- da uredno i blagovremeno kancelariji Saveza dostavlja izvještaje o namjenskom utrošku sredstava i izvještaje o realizaciji dijela svog Programa rada koje sufinansira SS USK-a (godišnji izvještaj).

Ukoliko se utvrdi da neki od korisnika sredstava Saveza, nije na vrijeme ili utvrđenom roku dostavio tražene akte i dokumentaciju, Finansijska komisija i Upravni odbor Saveza neće istog ni razmatrati, niti uvrstiti u prijedlog finansiranja u tekućoj budžetskoj godini, odnosno vršiće rebalans Finansijskog plana.

Član 10.

U cilju poštivanja zakonitosti, cjelovitosti i zajedničkog planiranja i programiranja pojedinih područja sporta u USK-a i šire, te pravilne raspodjele finansijskih sredstava korisnicima, utvrđuju se i posebni kriterij za svaku kategoriju.

Član 11.

Sportski savezi gradova/općina

Sredstva namjenjena za djelatnost Sportskih saveza gradova/općina USK-a, utvrđena u članu 6. ovog Pravilnika, usmjerit će se na sufinansiranje Programa i projekata:

1. Planiranje i programiranje takmičarskog – razvojnog sporta mladih, po sportovima (sportski klubovi, sportska društva i udruženja),
2. Planiranje i programiranje školskog sporta mladih (Društvo pedagoga i škole),
3. Planiranje i programiranje aktivnosti u sportskoj rekreaciji – SPORT ZA SVE (klubovi i sportska društva),
4. Planiranje i organizovanje tradicionalnih masovnih sportskih takmičenja i manifestacija od općinskog i kantonalnog nivoa,
5. Planiranje i programiranje usavršavanja stručnih kadrova u sportu i sportskoj rekreaciji,
6. Planiranje i programiranje održavanja sportske infrastrukture.

Član 12.

U skladu sa predhodnim članom koji reguliše elemente općih kriterija, kojima će se rukovoditi Upravni odbor SS USK-a u primjeni i izradi Finansijskog plana, utvrđuju se tri kategorije – grupe razvijenosti, organizovanosti i potreba Sportskog saveza gradova/općina u oblasti sporta, koje sufinansira Sportski savez USK-a, a to su:

➤ Prva kategorija-grupa

Razvijenost grada/općine i Sportskog saveza, koji imaju više od 40 registrovanih sportskih klubova, sportskih društava ili sportskih udruženja, a iste su sufinansiraju od strane Sportskih saveza gradova/općina ili Gradske/Općinske uprave, registrovanih preko 1.000 sportista, zastupljenost u saveznim i međunarodnim rangovima takmičenja, klubove i udruženja zastupljene u Premijer ligi BiH, Prvoj i Drugoj ligi F. BiH, kantonalnim ligama, sezonskim takmičenjima, pojedinačnim takmičenjima na internacionalnom nivou, državnom nivou, entitetskom i kantonalnom nivou, školska takmičenja na nivou osnovnih i srednjih škola, zavisno od broja tradicionalnih masovnih sportskih manifestacija na gradskom/općinskom i kantonalnom nivou, srednje i visoke standarde sportskih objekata (dvorane, stadione, sportsko -rekreacioni centri i sl.).

➤ Druga kategorija-grupa

Srednje razvijeni gradovi/općine i Sportski savezi, koji imaju osnovanih između 16 i 39 sportskih klubova, sportskih društava ili sportskih udruženja, a iste su sufinansiraju od strane Sportskih saveza gradova/općina ili Gradske/Općinske uprave, registriranih između 400 – 1.000 aktivnih sportista, zastupljenost u saveznim i međunarodnim rangovima takmičenja, klubove i udruženja zastupljene u Premijer ligi BiH, Prvoj i Drugoj ligi F. BiH, kantonalnim ligama, sezonskim takmičenjima, pojedinačnim takmičenjima na internacionalnom nivou, državnom nivou, entitetskom i kantonalnom nivou, školska takmičenja na nivou osnovnih i srednjih škola, zavisno od broja tradicionalnih masovnih sportskih manifestacija na gradskom/općinskom i kantonalnom nivou, srednje standarde sportskih objekata (otvoreni i zatvoreni, školske dvorane, sportski centri i sl.).

➤ Treća kategorija-grupa

Gradovi/općine i Sportski savezi u razvoju, koji imaju osnovanih između 3 i 15 sportskih klubova, sportskih društava ili sportskih udruženja, a iste su sufinansiraju od strane Sportskih saveza gradova/općina ili Gradske/Općinske uprave, registrovanih između 100 i 400 aktivnih sportista, zastupljenim na saveznim takmičenjima, klubove i udruženja zastupljene u Premijer ligi BiH, Prvoj i Drugoj ligi F. BiH, kantonalnim ligama, sezonskim takmičenjima, pojedinačnim takmičenjima na internacionalnom nivou, državnom nivou, entitetskom i kantonalnom nivou, školska takmičenja na nivou osnovnih i srednjih škola, zavisno od broja tradicionalnih masovnih sportskih manifestacija na gradskom/općinskom i kantonalnom nivou, srednje i niže standarde sportskih objekata (igralište, tereni, školske dvorane i sl.).

Član 13.

Planirana sredstva utvrđena i preraspoređena članom 6. stav 1. ovog Pravilnika raspoređuju se u globalu na 3 dijela (Sportski savezi Gradova/općina, prema utvrđenim kategorijama naznačenim u članu 12. ovog Pravilnika) u naznačenim rasponima procenta kako slijede:

1. Sportski savezi gradova/općina prve kategorije:

Ukupna sredstva za raspodijelu se izdvajaju u procentu od 15 do 24 % (za svaki Sportski savez grada/općine koje pripadaju ovoj kategoriji) na ukupna planirana sredstva za gradske/općinske Saveze.

2. Sportski savezi gradova/općina druge kategorije:

Ukupna sredstva za ovu kategoriju se raspoređuju i izdvajaju u procentu od 10 do 15 % na ukupno planirana sredstva za gradske/općinske Saveze.

3. Sportski savezi gradova/općina treće kategorije:

Ukupna sredstva za ovu kategoriju se raspoređuju i izdvajaju u procentu do 10 % na ukupno planirana sredstva za gradske/općinske Saveze.

Član 14.

Sportski savezi gradova/općina koji imaju preko 10 Javnih ustanova - škola na prostoru svog grada/općine dužni su izdvojiti najmanje 20 % sredstava za razvoj školskog sporta na svom prostoru, gradovi/općine koji imaju od 5 do 10 Javnih ustanova - škola dužni su izdvojiti najmanje 15 % sredstava za razvoj školskog sporta, a gradovi/općine koji imaju do 5 Javnih ustanova - škola dužni su izdvojiti najmanje 10 % sredstava za razvoj školskog sporta, iz sredstava koji su dobili od strane Sportskog saveza Unsko sanskog kantona.

Društva pedagoga tjelesnog odgoja gradova/općina su dužna gradskim/općinskim Savezima dostaviti svoj Program rada, Kalendar takmičenja i Finansijski plan do 30.11. tekuće godine.

Član 15

Razvrstavanje Sportskih saveza gradova/općina prema utvrđenim kategorijama (općim i posebnim) vršiće Upravni odbor SS USK-a, a na prijedlog Finansijske komisije Saveza, kako za pojedinu kategoriju raspodjele, tako i procenat, koji će se utvrditi za svaki Sportski savez i korisnika ponaosob.

Član 16.

Strukovni sportski savezi

Sredstva za djelatnost Saveza jednog sporta (strukovi) utvrđena u članu 6. ovog Pravilnika usmjerit će se na sufinansiranje:

1. Učešće za finansiranje i sufinansiranje troškova takmičenja klubova po sportovima za kategorije omladinaca, turnirska i liga takmičenja za kategorije predpionira, pionira i omladinaca (na nivou kantona) do 65 %,
2. Učešće za sufinansiranje troškova Strukovnih saveza za pripreme reprezentativnih selekcija (reprezentacije kantona) za predpionirski, pionirski, kadetski i juniorski uzrast do 20 %,
3. Za edukaciju i stručno usavršavanje trenera, voditelja, sudaca, delegata..... do 5 %,
4. Sufinansiranje troškova rada organa Saveza..... do 10%.

Sredstva namjenjena za loptačke sportove (nogomet, košarka, odbojka, rukomet) će se usmjeriti za Lige mladih USK-a (predpioniri, pioniri, kadeti i juniori), sredstva namjenjena za borilačke sportove (karate, judo, kickbox, tae-kwondo) isti su obavezini da održe najmanje 2, a najviše 4 Kantonalna prvenstva shodno odobrenim sredstvima od strane SS USK-a, a ostali sportovi (atletika, šah, tenis, stolni tenis) da održe turnirska takmičenja – najmanje 2, a najviše 5 Kantonalnih turnira shodno odobrenim sredstvima od strane SS USK-a.

Kantonalna takmičenja koja se održavaju putem Strukovnih saveza, a ista se finansiraju iz sredstava Sportskog saveza USK-a, na istima se ne smije naplaćivati kotizaciju za učešće.

Na Kantonalnim takmičenjima moraju nastupiti najkvalitetniji takmičari sa prostora USK-a.

Član 17.

U skladu sa predhodnim članom i utvrđenim općim kriterijima, sredstva za svaki Strukovni savez, utvrđuju se prema slijedećim posebnim kriterijima:

1. Broj klubova članica Strukovnog saveza, a ista sufinansiraju Sportski savezi gradova/općina USK-a (a iste su punopravne ili pridružene članice gradskih/općinskih Saveza),
2. Organizovanost Saveza za vođenje Kantonalnih liga u svom sportu za kategorije sporta predpionira, pionira, kadeta i juniora,
3. Organizovanost rada organa Saveza (sudije, treneri, škole, seminari i sl.),
4. Broj članova – takmičara (registriranih),
5. Zastupljenost u saveznim i međunarodnim takmičenjima.

Član 18.

Savez za sport i rekreaciju RVI i invalidnih lica USK-a

Sredstva za djelatnost Saveza za sport i rekreaciju RVI i invalidnih lica USK-a usmjeriće se za sufinansiranje:

- | | |
|---|------------------|
| 1. Aktivnosti SSRI gradova/općina USK-a – | od 40 % do 50 %, |
| 2. Sufinansiranje troškova rada organa Saveza – | od 5 % do 15 %, |
| 3. Sufinansiranje troškova organizovanja kantonalnih i državnih takmičenja, te potreba kantonalnih reprezentacija – | od 30 % do 40 %, |
| 4. Za školovanje stručnih kadrova – | do 5 %. |

Član 19.

Fond za podsticanje vrhunskih sportskih rezultata i reprezentativnog sporta

Ova sredstva se planiraju korisnicima kao stimulans i podsticaj za razvoj sportskih talenata (pojedinačno) ili ekipa na međunarodnim takmičenjima (Olimpijske igre, Svjetska prvenstva, Evropska prvenstva, Svjetski i Evropski kup u olimpijskim sportovima, Mediteranske igre, Univerzitetske igre i Balkanske igre), za uzrast kadeta, juniora i seniora. Na sredstva mogu samo aplicirati prvaci ili viceprvaci Bosne i Hercegovine, pojedinci i ekipe koji dolaze iz bazičnih sportova, a u cilju ostvarenja norme za zvanična takmičenja (sredstva će se izdajati za samo jedno takmičenje u toku godine) i standardni i potencijalni reprezentativci BiH u loptačkim sportovima. Pojedinci i ekipe koji apliciraju na ovaj fond su obavezni da nastupe na Kantonalnim prvenstvima, koje su u tehničkoj organizaciji Strukovnih saveza USK-a.

Sredstva će se usmjeriti u omjeru 60 % borilački sportovi, 30 % loptački i ostali sportova i 10% sredstava će se izdvojiti za Najuspješnije sportiste USK-a.

Raspodijela sredstava za borilačke sportove će se vršiti na bazi podnesenih zahtjeva, te prijedloga komisije za borilačke sportove, prijedloga Finansijske komisije, a konačnu Odluku će donositi Upravni odbor Saveza.

Raspodijela sredstava za loptačke i ostale sportove će se vršiti na bazi podnesenih zahtjeva i prijedloga Finansijske komisije, a konačnu Odluku će donositi Upravni odbor Saveza.

Član 20.

Rezervni fond

Namjenska sredstva utvrđena članom 6. ovog Pravilnika, tačka 11. raspoređivaće se odlukom predsjednika Saveza ili odlukom Upravnog odbora Saveza.

Član 21.

Školovanje i edukacija kadrova

Namjenska sredstva utvrđena članom 6. ovog Pravilnika, u tački 7. raspoređivaće se na osnovu pristiglih zahtjeva članica Saveza, odlukom Upravnog odbora, a na osnovu prijedloga Finansijske komisije Saveza.

Član 22.

Sufinansiranje održavanja sportske infrastrukture

Sredstva namjenjena za sufinansiranje održavanja sportske infrastrukture, utvrđena u članu 6. ovog Pravilnika, raspoređuju se Sportskim savezima gradova/općina USK-a, na osnovu podnošenih zahtjeva, općih i posebnih kriterija za raspodijelu. Kriterije (opće i posebne) donosi Upravni odbor Saveza.

Član 23.

Sufinansiranje sportskih udruženja, manifestacionih oblika sporta, te sportskih priredbi sa tradicijom

Namjenska sredstva utvrđena članom 6. ovog Pravilnika, tačka 12. raspoređivaće se odlukom predsjednika Saveza ili odlukom Upravnog odbora Saveza.

Član 24.

Sportske manifestacije od značaja za kanton i gradove/općine USK-a, sufinansiranje sportskih kolektiva – udruženja sa tradicijom

Namjenska sredstva utvrđena članom 6. ovog Pravilnika, tačka 13. raspoređivaće se odlukom predsjednika Saveza ili odlukom Upravnog odbora Saveza.

III – PRELAZNE I ZAVRŠNE ODREDBE

Član 25.

Odluke o prioritetima usmjeravanja finansijskih sredstava korisnicima, u skladu s Finansijskim planom Sportskog saveza USK-a, donosi Upravni odbor na osnovu programa korisnika sredstava i hitnosti potreba za sredstvima.

Član 26.

Sa korisnicima sredstava (članice Saveza), Upravni odbor Saveza zaključuje Ugovor, kojim se naročito preciziraju prava i obaveze ugovorača.

Član 27.

Ovaj Pravilnik stupa na snagu danom usvajanja, a dostaviće se svim članicama Saveza, korisnicima sredstava Sportskog saveza USK-a.

Član 28.

Stupanjem na snagu ovog Pravilnika, prestaje da važi Pravilnik broj: 08-A/16 od 21.01.2016.godine.

Broj: 167/16

Datum: 28.06.2016.godine



Predsjednik Saveza
Emir Dautović